



kat.komp.

17012

I

Mag. St. Dr.

P

horus

ensis Stanis.

Grodzicki i Hellmann.


Opalińskianae Scholae in Collegio Lu-  
bransiano Academico: Navis co-  
ronata ob insignem amplissimam  
Patrinatus Pom. dignitatem - Chri-  
stophoro Opaliński delatam.

PANEG. et VITAE

Polon. 4<sup>te</sup>

№ 640.





NAVIS  
CORONATA

Ob insignem

Amplissimi Palatinatus Posnan: dignitatem

A

SERENISSIMO & POTENTISSIMO

VLADISLAV IV.

POLONIÆ & SVECIAE  
REGE.

ILLVSTRISSIMO DOMINO,

D. CHRISTOPHORO

DEBNIN OPALINSKI

CAPITANEO SREMENSI

delatam.

A

Nobili studiosa Iuuentute Schola Opalinsiana In Collegio Lubransiano  
Academico erecta pleno debita obseruantia ac deuotionis animo

LAVDATA.

POSNANIE,

IN OFFICINA ALBERTI REGVLII Anno Domini 1637





INSTEMMA ILLVSTRISSIMI  
Terror vtrinq̃ue malis

17012 I




**V** Artha vbi progrediens Erymanthida versus ad Arcton  
Posnea caruleis irrigat arua vadis:  
Aspicio duplicem viri li sub litore Nauem,  
Gaudet prima PEDO: Gaudet at ENSE sequens,  
Cedite sadifragi: Thules penetrare recessus  
In vos conueniunt ENSIS & ecce PEDVM.

Franciscus de Cifswica Cifswicki Castellani  
Sremensis stud: Gram: Opalin:



# NAVIS CORONATA.



I quis antea, Illustrissime Domine, virtutem aut in tenebris delitescere posse affirmaverit, aut comitem gloriam & honorem habere dubitaverit: ille die, hodiernâ, quâ Te primum, summo Dei Immortalis consilio, in hoc senatoriæ dignitatis fastigio collocatum videmus, desinat illud affirmare, hoc dubitare. Quis enim tam rerum omnium ignarus, in hoc amplissimo Regno, reperiri poterit, qui nesciat, Te, non promiscuæ plebis, ex veritate pauca, ex opinione multa iudicantis, favore, sed innumeris virtutibus; non ambitione, sed præclaris in Rempub: Tuis, & Maiorum, Tuorum promeritis, hunc amplissimum dignitatis locum conscendisse. Profectò si in Augustissimam Tuâ profapiâ mentis acie cōuerto, si vitæ Tuæ nobilissimas occupationes, si præstantissimas animi & corporis doctes paulò diligentius cōsideramus, eas tantâ virtutū vberitate affluentes, sese nobis obicere videmus, ut facile cōspiciamus, si in illa celeberrimorum virorum tempora incidisses, & decades Liuianæ, & vitæ Plutarchi, & Tro:

A :



& Trogi annales, Tuum clarissimū Nomen; comple-  
xu munimentorum suorum acceptum, nunquam inter-  
morituræ mortalitati consecrâssent; plusque ornamen-  
ti ex tuo splendore, acquisiuis-<sup>sent</sup>, quàm Tu ex taliū  
munimentorum admiranda, diuturnitate consecutus  
fuiſſes. Nam quantū auro ex gemmis ornamēti, hor-  
to ex rosa & liliis amēnitatis accedere videmus, tan-  
tū illis doctissimorum virorum scriptis, ex honori-  
ficentissima virtutum Tuarum recordatione dignita-  
tis, accessisset. Habet equidem sua, præmia, virtus,  
neq; est gens vlla tam barbara, tam immanſueta, tam  
ferox & indomita, vt quæ non virtutē in summis rebus  
numerandam esse ducat, iisq; qui virtutis laude, ex-  
cellunt, immortalitatem in rebus humanis deberi non,  
existimet, fateaturq; multū ex illorum præstantis-  
simis virtutibus accedere annalium, scriptoribus di-  
gnitatis. Quò minùs mirari debes, si ad solennem hunc  
Tuum in Palatinatum Poſnaniensem ingressum, & in  
hac publica totius Maioris Poloniæ hilaritate, non a-  
liud Tuis oculis manibusq; offertur, quàm egregiæ  
ac singulares, diuinæq; virtutes Tux, ac præclara  
facinora, per quæ felicissimè in hoc honoris fastigium  
ascendisti, in vnum collecta. Quæ si promptiore offi-  
cio & hilaritate, quàm dicendi elegantia vel facultate  
veneror, quæſo obteſtorq; Te, vt meam iuuenilem  
dictionem Tuâ illâ in studia Academica, potissimū  
autem in hoc Lubranscianum Collegium, in quo bo-  
narum litterarum disciplinis iuuenilis Tua ætas infor-  
mabatur, beneficij propensione tuearis ac sustentēs.  
Ingrediēti autem mihi immensum Tuarum Illustrissi-  
me

me Domine, laudum Oceanum primum, sese offert,  
summa Illustrissima proſapia Tua, atque generis an-  
plitudo: quam ut ego conſultò præteream, multa ne  
impellunt. Tum quòd Te ſatis Tuo ſplendore illuſtrè,  
non ſolùm alienis ornare plumis indignum eſſe puto;  
ſed etiam laudem, quam virtute Tibi Comparàſti, per  
riuulos alti ſanguinis conſectari, minùs eſſe idoneum  
animaduerto. Tum quòd & virtutum diuitias ità poſ-  
ſediſti opulentas, ut & laudum Tuarum vbertas in-  
longos annales creuerit, & generis Tui maiestas tot ac  
tantos viros ſit complexa, ut de illorum interea virtu-  
tibus, quod olim de Carthagine Salluſtius effatus, ta-  
cere ſatiùs exiſtimo, quàm pauca dicere. Dicendum  
enim mihi eſſet partim de maximis belli Imperatoribus;  
partim de auguſtiſſimis præcipuarum in hoc floren-  
tiſſimo Regno Eccleſiarum Præſulibus optimè de  
Repub. Chriſtiana meritis. Celebranda eſſet Iacobi  
de Bnin ſingularis fortitudo, & eximia atq; admiran-  
da in remilitari dexteritas: qui poſt multas præclaras  
in bello Pomeranico reportatas ex hoſte victorias, ad  
extremum Paulum illum Conſulem Romanum ad  
Cannas pugnantem imitatus mortem glorioſam oppe-  
tere, quàm fugam excuſare maluit. Laudandus eſſet  
Petrus Caſtellanus Landenſis qui Bizantium Legatus  
à Repub. miſſus, negotia ſibi commiſſa ſummâ indu-  
ſtriâ & dexteritate peregit; nefarium illum Aſiæ Ty-  
rannum audaciâ furentem, promptum ad vim, auda-  
cem ad omne facinus refrenauit. Commemorandæ  
eſſent Illuſtriſſimi Andreæ Opaliński Episcopi Po-  
ſnanienſis, Patruſ Tui virtutes, reſq; præclarè, for-



De hoc Vite  
Sicm B. M.  
nisi: Vite  
a S. M. M.  
fol. 115.  
ed. 6.

titer, prudenter gestæ. Fuit summa ille, dum viveret  
in gratia Diui Sigismundi Tertij, (omnium qui nostrâ,  
ætatē in orbe fuerunt, sapientissimi Regis) propter in si-  
gnē in consiliis prudentiā, in iudicando felicitatē, in a-  
gendo industriam, ac fidem. Commemorandus esset  
Illusterrimus Parens Tuus, qui nouam scholam in  
Collegio Lubransciano proprijs sumptibus excitauit:  
nil retardatus interim aut Magnificâ Cænobij Sieraco-  
uiensis incæptâ foundatione, aut memorabili illâ con-  
tra Osmanum Imperatorem, Otthomanicam illam bel-  
luam, limen iata Regni tenentem, expeditione. Quæ  
omnia si dicerem, multa tamen omitterem, multasque  
imagines virtutum in Tuis Maioribus ad viuum expres-  
sas, necessariò præterirem. Sæpe enim Nobilissimâ hâc  
Tuâ familiâ tanquam Atlante cælum, Respub: nitē-  
batur. Sæpe in huius familiæ sinu Ecclesia, ceu flucti-  
bus, quassata naui in tutissimo portu, conquiescebat.  
Sæpe hæc familia vis sceleratorum Patriæ inflicta, vul-  
nera, fasciâ suarum obligabat virtutum, illisq; vn-  
guento suæ prudentiæ medebatur. Ecquam putamus  
fuisse nobis hostium Ciuitatem finitimam, cuius ma-  
nia Opalinsciorum potentiam nō expauerint? Ecquan-  
do eruperant in Regnum hoc hostium examina quæ  
dum huc & illuc volitando, hæc atque illa depopula-  
rentur, cæde atque terrore omnia complerent, in signē  
à Maioribus Tuis cladem non acceperint? si Orientem  
spectamus, ibi Scythia: si meridiem, ibi Thracia: si  
occidentem, ibi Germania: si Aquilonem, ibi Moscouia  
& Suecia: ex omni verò parte omnes externæ nationes,  
vel metu percitæ, vel admiratione percussæ Maiorum

Tuo



Tuorum reuerabantur nomen. Quorum omnium, si  
virtutes diligentius ponderarem, non solum nostri du-  
ces, sed etiam veteres Romanorum Imperatores, ab il-  
lis omnia virtutum trophæa sibi erepta faterentur. Tan-  
ta est familiæ Tuæ amplitudo, quam ego nunc silentio  
prætereo: cuius laudū difficilius est exitū quam prin-  
cipium inuenire: quæ non vitijs, sed virtute; non otio, sed  
partim bello, partim, etiam pace, non ignorantia, sed sin-  
gulari rerū omnium cognitione per tot amplissimos vi-  
ros latissimè dimanauit. Cum autē is sit ferè perpetuus,  
naturæ ordo, vt ex bonis boni progenerentur, maiorum  
in liberos atq; posteros deriuentur virtutes, Tu subuò  
ad patriam Claritatem lucem virtutum Tuarum iam,  
à tenero vngui meditabāris. Sic enim sapientissimè  
statuisti, nisi eam gloriam, quam Tibi Maiores reliquis-  
sent ampliorem redderes; quòd Te homines Nobilissi-  
mā familiā ortum suspicerent, nullā laude id dignum  
videri; si eos Tuā præstantiā superares, cum quæ ma-  
gna ac laude digna fecissent, cum Tuis rebus in con-  
parationem aliquando venirent, tum quàm magnæ illæ  
ac præclaræ essent intellectum iri: tum veram ac soli-  
dam gloriam, tum Te immortalitatem consecuturum.  
Non igitur, statim à primis Tuis annis, otium, veræ  
Nobilitati ignotum, & destabile heroicam indolem Tu-  
am, ad præclara quæuis pronis conatibus enitentem,  
suo situ torpere fecit; non excelsi à pueritia animi re-  
bur languida voluptas, irratamentum malorum emol-  
liit: non virilem iam ante canos & rugas fortitudinem  
molles blanditiæ, & illecebræ fregerunt: sed huc omnes  
ingenij & industriæ nervos contendisti, vt cum Lacedæmo-

dæmonijs & Romanis adolescentulis ad Rēmpub: ma-  
turè Te præparares. Sciebas quippe nō vulgaribus ad  
eam rem inductus argumentis hominem ad negotium,  
non ad otium, ad virtutem (vt Aristoni placuit.) non  
ad desidiam & voluptatem a Deo Opt: Max: creatum  
esse. Sciebas esse in nobis præclara quædam ad omnem  
virtutem à natura insita semina; quæ quidem quanquā  
per se fructum edere vbertimum possunt; tamen multò  
citiùs & copiosius si labor, & quædam quasi discipli-  
næ Magistra præcesserant. Eximia tunc indolis Tuæ  
ad virtutem, ad dignitatem, ad gloriam, ad res maxi-  
mas gerendas relucebant documenta, cū illi quibus  
Tua institutio fuit, à principio credita, incertum ha-  
buerint, esset, ne illud discere, in tam puerili ætate, an,  
vt diuinus ille Plato persuasum habuit, reminisci: cū  
omnes faciliè argurarentur, ex his principiis, tam illustri-  
bus virtutum bonarum indiciis, non nisi summa quæq;  
consequi oportere, quorum, tanquam in herbis non  
fallacib<sup>9</sup>, fructus postea apparuerunt speciosi, & vber-  
rimi. Vt enim statim viret seges, & rosa iucundum de se  
spirat odorem: sic generosa & heroica vis animi, quā-  
uis in teneris non esse occulta solet; sed elucescit, & ad  
honestam quæuis suā sese, spontè excitat extimulatq̃ue.  
Cæterum cū generosa illa vis animi, & accensa quæ-  
dam ad amplitudinem voluntas, inflammaturq̃ue stu-  
dium ad res fortiter & præclarè agendas, Te gloriæ ap-  
petentem laudisq̃ue avidum, quod cuiq̃ue optimo tri-  
butum est, dies noctesq̃ue stimulet ac pungeret limita-  
tus illum Herculem Xenophonteu exteras nationes, at-  
q̃ue in primis Italiam, bonarum artium fecundissimam  
matrem,



matrem, explorasti: quâ continentiam, quâ integritate,  
quâ laude, innocentiam, quid memorem? Non ita mul-  
tis ante annis aiunt apud Indos herbam quandam reper-  
tam esse, odoris quidē excellentis; verum minutissi-  
mis refertam serpentibus, quorum ictu procius est  
vnicuique moriendum. Et nunquid ita, illorum loco-  
rum populi quo alliciant iuventutem habent, sed le-  
thale, nisi prudentissimè caueas venenum, & mortife-  
rum virus occultant? Plerique exitiis delinuti blan-  
dimentis à recto in illis locis cursu sæpenumero aber-  
rant, non pauci totos se penitus incauti, ita in blandam  
præcipitant perniciem, vt nunquam emergere, & sese ad  
meliorem frugem recipere possint. Tu cum ad gymna-  
sia illa, tanquam ad emporia quædam, optimis atque  
preciosissimis mercibus referta, missum Te fuisse scires,  
temperantiæ & continentiam munimento septus, luxu-  
riantium affectuum perturbationes compressisti, blan-  
dissima voluptatum lenocinia constantissimo animo ita  
remonisti, & neglexisti, vt in illis, præsertim a maiori-  
bus locis, eas ne gustasse quidē in omni vita, & integritate,  
Te perpetuo seruasse ab omnibus indicatus sis. Quæ  
voluptates etsi vitio iuventuti penitus vitandæ non  
sint, propterea, quod illi ætati rectè omnium sententiū  
iudicio, dantur; quia ita illi insitæ sunt, vt ex ipsa cœ-  
li non possint, nisi prorsus ex hominum vita, adoles-  
centia euellatur; tamen qui adolescentes virtu-  
tem in illis non aliserunt, neque absconderunt,  
rerumque indecentium cupiditati resisterunt vt aliquē  
ex annalium memoria, vt cælo delapsum, requirimus,

B. . . . . miramur

miramur, & narramus, perinde atque aliquem qui Scyllam præternavigauit, nec abreptus est, Charybdi conspectus, nec retentus est, Circe populum bibit, nec mutatus est, Syrenes adiit, nec accessit. Habebas medius fidius, habebas singulares maiusque communes virtutes, quibus inter varios diuersarum gentium adolescentes, in illis regionibus, sicut inter gemas gemma preciosissima, inter monilia monile preciosis lapidibus ornatissimum, inter stellas, stella clarissimo lumine ornata resplendisti. His tam præclaris iactis adolescentiæ fundamentis, quæ una omnium ad amplitudinem in Reipublica comparanda esse firmissima existimantur, cum ipse iam animo maiora & grauiora conciperes, & diu tecum multumque reputasses, quam potissimum ratione perennem nominis immortalitatem Tibi comparare posses, ita statuisti denique cætera omnia fluxa, incerta, fugacia esse, quæque ad lenissimam quamuis impressionem vinci frangique possunt, in vera duntaxat gloria atque obsequiis patriæ præstandis omnem Tibi esse operam collocandam. Etenim sic habebas, omnibus qui patriam aut adiuuerint, aut auxerint, non modo certum esse in cælo ac definitum locum, ibique in diuinissimi Numinis beatissimo conspectu defixos æternis voluptatibus perfrui: sed etiam inter homines gloriosam per omnes ætates conseruari successione. Proinde in Patriam reuersus ita Te gessisti, ut præstantissimorum in hac Reipublica virorum, quorum hæreditas gloriæ & factorum imitatio ad Te pertinebat, virtutem cum propria quadam integritate coniunctam, facile omnes cognoscerent: ut quæ iam ante diuturnam prudentis-



dentissimorum virorum tractatione didicerās, ea quod  
ad res postularet, in facie Reipub: consumeres, neque  
eos imitareris, qui in libera Repub: nati ita se in literis,  
& inhonestissimis artium studijs abdiderunt, vt tamen  
ex ijs nihil in lucem proferre, nihil ad Patriæ salutem  
haurire possint. Non intelligunt enim, eum, qui ad  
Rempub: accedit, ita se comparare oportere, vt quem-  
admodum fax vna in portu constituta, multis, quæ in  
mari iactantur nauibus splendore suo opitulatur: sic  
ipse ciuibz suis omni virtutis genere præluens, in ma-  
ximis fluctibus, & turbinibus auxilium ferat, & curet,  
ne quisquam eo præeunte ad infelicem aliquem calami-  
tatis scopulum impingat. Equidem quemadmodum  
Fortissimo illi Herculi parum ad immortalem gloriā  
profuisset si tantum vt sterilem disputationem, virtutis  
& voluptatis certamen, adisset: ita futuro Reipub: se-  
natori, non tantum incumbit vt per virtutem quid hone-  
stū sit inuestiget, sed etiā necesse est, vt quod laude dignū  
est persequatur. Etsi enim virtutes possessorem suum in  
sublimiori loco constituunt, nec leuiter commendant,  
tamen si actiones non respondent, iucundissimā virtutū  
harmonia conturbatā & solutā obscuratur omne id  
quod antea celebratione dignum fuit. Quapropter Tu  
consideratè agere, & omnia ad communem vsum Patriæ  
reducere, plius esse quàm prudenter cogitare, omnem-  
que virtutis laudem in actione consistere, iudicāsis:  
cū nullum tempus, momentum nullum elabi patere-  
ris, quod non ad vsus Tuos et ad communem incolu-  
mitatem transferre cogitares. Sed non est necesse singula

tāquam p̄r vniuersitatem rerum à Te gestarum sp̄r-  
sa, anxio labore in vnum colligere: non omnes virtutes  
oratione meā tenui percurrere, contigit sufficiens tanto  
documento amplissimū inter Terrestres Nuncios officii-  
um, Tibi vnanimi Maioris Poloniæ Ordinum consensu  
aliquoties impositum. Quis dicet quæ in oculis am-  
plissimæ Reipub. admirantis pro patria, pro salute pu-  
blicā summā industriā peregisti? Cū Nobilissimorū  
Ordinum animos suauitate Orationis lenires, mitigares  
& prope exarmares. Quis enarret quæ summā dextero-  
tate negotia, fidei & curæ Tuæ commissā gessisti? cum  
non obscurè significares quantum apud te cura, inco-  
lunitas, & dignitas publica valuisset. Quis concipies  
quoties magnis & arduis officiis singulari cum Tua lau-  
de ac cæterorum admiratione es perfunctus: vt faceri  
vel profiteri meritò omnes possemus, in hoc genere, lau-  
dis multorum, non solum mortuorum famā, sed viuēti-  
um quoque gloriā prudentiā tuā victā esse atque  
saperatā. Excitabant Te cū aliorum exempla; tūc  
verò prudentissimi viri omnium ætatum, memoriā di-  
gnissimi Iacobi de Brin Palatini Posnaniensis, qui cū  
vidisset plerasque simultates Silesiorum Principum in-  
crebrescere, & propagari quæ quasi semina forent atque  
scintillæ non leues, vnde in Regno nostro malorum  
incendia non mediocria metuerentur, summā prudentiā  
& admirandā suauitate Orationis pestē illam prohibu-  
it, ne ad perniciem Reipub: dimanaret. Ita enim Te in  
in ipso statim ætatis exordio armasti, vt dignus eodem  
loco in quo ille erat, hāc ætate videreris. Quæ omnia  
Nobilissimi Ordines Maioris Poloniæ admirati, Te su-  
premo.



premorum in Regno Iudiciorum prudentissimis suffra-  
giis luridicundo, & æquitati tuendæ Iudicē elegerunt  
Ita sane manifestus est virtutis splendor, vt sicut facis  
ardentis lumen occultari non potest, quin illud omnes  
videant, sic virtutis claritas, celari nequit, quò minùs  
magnorum virorum animos atque oculos in se cōuer-  
tat. Qua in re ca Tua fuit ratio Magistratus illius geren-  
di, vt, cū multò plura quàm omnes sibi de Te polli-  
citi essent, præstiteris, ab eo vsq; tempore, tacito am-  
plissimorum Ordinum consensu decretum fuerit, nihil  
in hac Repub. tam illustre, tam magnificum, tamque  
excellens esse, quo Tu quidem non posses Te dignū præ-  
stare. Etenim nulla potest fingi aut excogitari boni iu-  
dicis virtus, quam non in Te, etiam ipso, vt aiunt, digi-  
to, monstrare possemus. Opus est enim, vt iudex tan-  
quam, aliquod iustitiæ speculum sit, in quo cæteri  
omnes mores vitamque suam contemplantur. Talis pro-  
cul dubio eras, cū publicè & priuatim omnibus pro-  
deffes, omnibus commodis intenderes, oppressos subleua-  
res, prompto officio, animo inuictō coerceres rebelles,  
bonos iuuares, omnibusq; sua iura & æquales & æquo  
libramine describeres. Grauitas authoritasque in Iudi-  
ce, summa effulgeat oportet. Effulsit in Te: & ita efful-  
sit, vt vix ullos grauitate, & authoritate insignes dare,  
viros possimus, quos Tu nō anteires vel æquales certè.  
Maximis præterea ingenij dotibus & prudentiâ Iudex  
debet pollere, ne callidâ iuris interpretatione ab eo, quod  
fas & æquū est se abduci, & deflecti patiatur. Pollebas  
certè & ita pollebas, vt in omnibus Iudiciis nunquā  
fides integritasque Tua contremuerit. Ad extremum Iu-  
dicis

dicis est suā præsentia frequenter supremā Regni Iudicia  
exornare. Exornasti, atq; ita exornasti, vt nec à rectitu-  
dinis scopo decerrares, nec culpata seueritate efferuesce-  
res: sed omnia suauī quādā comitate ita tēperares, vt nō  
quod Tibi integrū, sed quod communi saluti fructuosū  
esset spectares. Cū verò vt aduersas sic secundas res  
immoderatè ferrè leuitatis est: præclaraq; est æquabili-  
tas in omni vita, & idē vult<sup>9</sup>, eademq; frons; Tu in pro-  
speris rebus, ac ad voluntatem Tuā fluentibus superbiā  
magnopere, fastigiū, arrogantiamq; fugisti: & quò plus  
propter virtutem, dignitatemq; poteras, eò minùs  
quantū poteras ostendisti. Non Te profectò in po-  
testate, (quo quidem tempore mitissimo etiam inge-  
nio homines animis efferri solent) extulisti; non in pe-  
cunia insolens fuisti propter abundantiam fortunæ Te  
aliis præferendo, vt opes & copię non superbiæ vide-  
bantur ac libidini, sed bonitati ac moderationi faculta-  
tem ac materiam dedisse. His Tu gradibus Illustrissime  
Domine, & hoc vitæ laudabili instituto Serenissimo  
VLADISLAVO IV. insinuat<sup>9</sup>, breui tempore tantū  
fide, diligentia, & obsequio meritus es, vt eximiam in  
Te virtutē complexus Palatinatū Posnaniensem vtrò  
contulerit, & in florentissimo Senatorum Concilio,  
non minùs graui, quàm fuit olim Arcopagitarum Atheo-  
nis, neq; minùs celebri quàm Amphictionum, neq; mi-  
nùs splendido quàm olim Romanus collocauerit. Quod  
quidem Iudicium Tanti Regis ita Te extulit, vt maiore  
ex Tuis de Te, & Tuis virtutib<sup>9</sup> sensu, quàm ex eo hono-  
re (tameñ maximus sit) dignitatem accepisse videaris.  
Namq; si principum virorum meruisse fauorem atq;ue  
animos ad beneuolentiā allicere non postremæ laudis



est, nec leue virtutis argumentum; Regis prudentissimi, ( cuius in pernoſcendis ingeniis acumen, in ponderandis meritis prudentiam, in remunerandis præclare factis iuſtitiam, in excitandis, denique ad omnem honeſtatem atque laudem hominum ſtudiis perpetuam ſcelicitudinem orbis vniuerſus miratur, ) promereri gratiam, ſingularis cuiuſdam Tuæ fuit virtutis & felicitatis. Quæ virtus & felicitas Tua tanta eſt, vt quemadmodum qui oculorum aciem in ſolem intendunt non facile illius ſplendoris vim & magnitudinē perferre poſſunt; ita quā diu virtutis & felicitatis Tuæ ſplendorem & lucem in- tuemur, penitus nobis mētis acie & ingenii perſtringat, vt ad quem exitum orationem noſtram perducere debeamus, nō magnoperē nobis conſtare queat. Magnū duntaxat Dei Opt. Max: erga nos benignitatis agnoſci- mus teſtimonium, quod planē vniuerſo Regno, ſed præcipue Maiori Polonia ſpem optimam dedit, poſſe aliquando euenire, vt hoc motu rerum, & conuerſione tēporum Tu ſapientiſſimo S. R. M. Iudicio ad hoc ſenatorię dignitatis faſtigium elatus, poſſis illius vulneribus ſalutarem manum ad mouere. Arbitratur enim Maior Polonia Te illam Tuo præſidio, Tuâ virtute, Tuâ prudentiâ, dubiis formidoliſq; tēporibus, ſic ſulturū ac ſuſtēturū, vt ad priſtinū illum ſplendorē & voluntatū cōcordiâ breuī ſit reditura. Hoc etiā abs Te ſperat Collegiū Lubraſcianū Academiæ, Cracouiē: Colonia, Maiorū Tuorū Alumna, Te enim illū agnoſcit, qui proſpicias, eā nō minūſ in Te, quā in Illuſtriſſimi Parentis Tui tutela & patrocinio recumbere. Nō enim habet hoc Academicarū literarum domiciliū, quò poſt Deum immortalē, & Illuſtriſſimū ſuū Antiſtitem in ſuis difficultatibus ſe vertat, cuius fidem, cuius opem imploret, niſi,

Illustrissime Dominē ad Te confugiat: Tuā ope, po-  
tentia, authoritate, singulari quādā in viros Academi-  
cos inductione animi & voluntate, & caput attollere,  
virtutem, & in antiquum splendorem & dignitatem,  
seipsum vindicare quandoq; sperat. Videt enim Te il-  
lum esse qui in Tua hac ingenti ac noua dignitate, no-  
uos etiam virtutis fructus, velis præbere. hos autem  
vberes atque amplissimos præstiteris, si Tu qui veluti  
prosperum ac salutare sidus, huic Academico Collegio  
affulsisti, lapsa erigere, fatigata reparare conaberis. Et  
quod Illustrissimus Parens Tuus dies noctesq; summo  
studio ac diligentia pro virili parte curauerat: Tu tan-  
dem perficias, vt omnia Tuā virtute, atque authoritate  
pristino vigori restituantur. Propones Tibi ante oculos  
æternā memoriā dignissimam illius liberalitatē nam vt  
Coloniam hanc Academia Cracouiensis, insigni Ro-  
zdrazeuianā munificentia restauraram, ornatorem  
atque celebriorem efficeret, sextum Professore, libe-  
rali timē fundauit. Propones Tibi Reuerendissimum  
Andream Opalinski Episcopum Posnaniensem. Patru-  
um Tuum, qui ad constituendam auitæ religionis di-  
gnitatem serio conuersus, euocatos ex Academia Cra-  
couiensi Professores singulari beneuolentiā persecutus  
est. Quod si Parentis erga literas Academicas munifi-  
centiam & liberalitatem ceperis, si Patruī beneuolenti-  
am: si variasq; constantiam, efficies, vt Nobilissima  
vestra Domus, quæ Regno hanc ornando & iuuando  
Dei benignitate nata & propagata, non minùs bellorum  
litais, quàm pacatis literis notissima, memorabili in  
bonas artes beneficentiā & animo inclinatissimo glorio-  
sa mo-



sa monumenta, ad nominis sui immortalitatem consti-  
 tuat. Ego verò amplissimum hoc Senatoriæ dignitatis  
 munus, Tibi hodierna die, cumulatissimè gratulor,  
 Deumque Optimum Maximum ardentissimis precibus  
 exoro vt Te immotum atq; inconcussum, tam diu salu-  
 um ac incolumem felicissimè tueatur, donec in hoc  
 amplissimo Regno pacata omnia & tranquilla videas,  
 neque prius hæreditarium virtutibus Tuis Cælum a-  
 scendas, quàm Maiorem, Poloniam, Concordem &  
 florentem Tuis reddas successoribus,

STANISLAVS in Wyssyn GRODZIECKI  
 Castell. Miedzierecensis Stud:  
 Schola Opalin.



# PROPEMPTICON

**P** Osneadûm ingreditur, fatis plaudentibus, Urbē  
 Bniniadûm Soboles, patriæ virtutis imago:  
 Quam Lechici proceres, gens, insuperabile bellis;  
 Vndique conspicui gemmis auroque, sequuntur,  
 Sic vbi de patrio redinius funere Phœnix

C

Memno

Memnonis ad gentes redit, & cunabula secum  
Ipse sua, & cineres patris, inferiasque decoris  
Fert humeris, volucris pulcer per inania lapsu  
Quacunque accelerat, volucres comitantur ouantes;

Plaudite Poſneadæ, virtus veneranda clienti  
Sarmaticas meritò donat redditque Curules:  
Quas non terrifono proſternere fulmine Cyclops,  
Non rabies Euri, non imbribus ebria nubes,  
Nec vis vlla queat Stygiis emerſa tenebris.  
Plaudite: namque iterum iam ſunt ventura beata  
Sæcula Falcigeri. Iam pallida tabe cruentâ  
Cædes, inque ſuum Rabies armata cruorem  
Sarmaticos linquens campos, & compita veſtra  
Tartareas ruit in ſedes: vbi regnat Erinnis  
Imperat Aleſto, leges dictante Megæra.

Haud aliter dubiæ iam ſub confinia lucis  
Tithoni croceo ſurgens aurora cubili  
Purpurat ore nitens, crinemque reſexa decoro  
Peſtine palantes toto fugat æthere ſtellas.

Lætior annus adest: fauſtæ procedere lunæ  
Incipiunt tandem: ſcintillant lumina flammâ  
Ardenti, & niueis riſerunt tempora gemmis.  
Proſpera lux oritur, pulchris ſignanda Pyropis  
Pampineis ſpargenda roſis, & ſagmine puro.  
Talem Martigenæ quondam videre Quirites  
Magnanimum quando genitrix animoſa Camillum  
Edidit, ac fauſto recreauit germine fines  
Auſonios, Latique vrbes Laurentiaque arua.

Interis iam caſtra locant, & regna merentur

Virtu



Virtutes, mundumque regunt, nec iam magis illis  
Astra placent, sedesque poli, quam terreus orbis.  
Iam caelo contendit humus: iam terra nitorem  
Induit æthereum: iam terram vestit Olympus.  
Iam pudor & certo contenta modestia fine  
Et Ratio mensura boni, quam semper adhærens  
Felici gressu felix comitatur Honestas.  
Crediderim Zephyrum tacito per prata susurro  
Concussisse nouo fecundas nectare pennas  
Et posito flatu nemus irrorasse quietum.

Incipe fortunæ meliori pandere montis  
Phæbe nouennarum princeps formose Sororum  
Parnassi portas. Nam si ex virtute parentum  
Prælagire licet, prælagia magna repandunt  
Pimplæis Musis prælustria facta Dynastium  
Stellimico virtus merito quos fixit Olympo;

Quis nescit quantum Clarissima floruit olim  
Hæc stirps, plena viris? quantumque hoc floreat æuo  
Quà nigros Phæbus populos despectat Eous,  
Et vespertinis pronus quà mergitur vndis,  
Quà Cynosura nitet, & quà contrarius axis  
Aspicit Antipodas, pendentes verrice, no siris  
Qui iam casuri opponunt vestigia plantis.  
Citria sic semper ( visu mirabile ) verum  
Spirant flore decus, semperque nitentia gratis  
Floribus ac fætu æternâque virentia frende:  
Citria Amalphæis latebra haud incommoda Nymphis;  
At licet ex amplo sumant, primordia riuo  
Bniniadæ; maiore tamen splendore feruntur

Stemmata conspicuos vltra progressa nepotes.  
Non aliter primas vincunt incendia flammæ  
Quæis exorta rudes quercu bacchantur in ædes,  
Latiùs atq̃ue modum nequeunt seruare ruina.  
Non aliter paruis rapidus de fonte scaturit  
Vartha vadis, donec fugiens ab origine prima,  
Fluctibus ingentes vecors excrefcit in amnes.

Hinc veniēs (nam summa fequar fastigia rerum)  
Gerrardus columen Lechicum clarusq̃; tiarâ  
Cuiauiæ, egregias laudes prætendit auiti  
Stemmatibus, & titulis audet certare vetustis.  
Non tam marmoreis miranda palatia crustis,  
Non auri pretiosus honos, non Indica concha;  
Nec quæ Phidiaco struxit simulachra metallo  
Quàm virtus formosa, nitet, quâ luxit in orbe  
Ingeniique decus rarum, nec in vtile pectus  
Consiliis constansq̃ue animi, prudensq̃ue futuri.

Quid memorem Petrum, longo qui mænia tracta  
Ardua Glogouia: produxit, cingere vallo  
Vndique conatus: quod non impellere sæuus  
Aut aries, aut vlla queat fera machina belli:  
Hoc se præsidio, tutans serosq̃ue Nepotes.  
Illius Illustris totum vulgata per Orbem  
Splendescit, completq̃ue bonis rumoribus aures  
Gloria lausq̃ue nitens: quam nec ventura silebunt  
Lustra, nec ignota rapiet sub nube vetustas.  
Illum fama vehet trans æquora, transq̃ue remotas  
Terrarum ambages, longos orbisq̃ue recessus.

Hinc



Hinc alter Petrus famâ super æthera notus  
Gemma Ratis magnæ venit, verusque Polonæ  
Stirpis, & antiqui germanus nominis hæres.  
Qui cùm clara sui ingenij documenta dedisset  
Principibus Lechicis, subito contendit in altum  
Surgere, & audaci cælum penetrare volatu.  
Namque vbi Memnonio roseus de gurgite Titan  
Igniuomos educit equos, excelsa Gelonum  
Castra petens, Regno pulchram cum fædere pacem  
Restituit. Thraces sæui tum Bistonis vrbes  
Pellitiq̃ue Gethæ in fraudem prædamque parati  
Errantes passim Mœtica ad ostia Ponti  
Accipiunt in nos animos mentesque benignas;  
Postquam sermonis pondus sublime diserti  
Audiuere Petri: traxit quo dulciter aures.  
Ac veluti magno in pelago cùm nocte coorta est  
Tempestas pluuiusque vigor: cum turbidus Auster  
Ipse agit vndantes nimborum in prælia turmas:  
Perque vias, perque arua simul, sternitque feritque,  
Pulcreus globus, inuoluens cælumque dicmque,  
Tum postquam Phaetontis equi, postquam aurea cano  
Purpureos aurora sinus de gurgite tollit,  
Aequora cuncta silent, fugiunt Euriq̃ue Noti que  
Sic cunctus cecidit furor impiaque ira Tyranni  
Postquam ingens patrio virtus hunc extulit orbe  
Spectandumque dedit magnis celeberrima Turcis  
Fama: nec augusto se claudi passa theatro  
Alta gubernacula, ingentesque assumpsit habenas.

Cui tandem ignota. est pietas, clementia, candor,  
Praefulsit Arcturae nullis montibus aethus  
Inclita, de cuiusquis pruden caritata potestis.  
Quis non suspiciat generosi Praefulsit acta  
Aequataeque polo moles totaque fugatam  
Haereseos pestem Patriam Stygiosque colubios.  
Sic furit ignis edax rupto cum turbine venti  
Incidit in segetes, aut cum de flumine Volcha  
Montano Cereris sternit cum munere sylvas  
Praecipites pavet à longa regione viator.

Exornant gentile decus, Mauritiæ proles,  
Pignora clara duo, stirpis lux magna vetustæ  
Nicoleos bellis magnus, fortisque Iacobus.  
Sicut in imbriferis Euris rapidisque procellis  
Exurgunt fratres Helenæ cum Castore Pollux  
Veliolasque vias monstrant sulcare carinis:  
Sic duo Biniadæ Patriæ Regni que saluti  
Exorsi quondam. Decus, excellentia, robur  
Alter bellorum: cuius prudentia magnis  
Floruit Imperij rebus, multosque per annos  
Non alto simulata gradu, non improba gestu,  
Sed clara ingenio, & multis virtutibus aucta  
Nobilitas spectata fuit sub Principe Criuo:  
Alter conspicui decus, & pars magna Senatûs  
Eximij pressit vestigia clara Parentis:  
Biniadumque nouo NAVEM cumulauit honore:

Mitto Palatinum Petrum quem Poinea iactat  
Quemque patrem noster memorat celebratque Toparcha.

Hic



Hic hic res Musis conuulso cardine lapsas  
Vnus restituit, primaq; in sede locauit.  
Vt serpens quando exoritur post frigora Titan  
Exiit & senium, viridem reparatq; iuentam.  
Insultusq; graues eo incit fortis iniquæ:  
Sic quoq; Lubransci sedes celebrata Camænis  
Hoc duce, gemmifero tandem splendere nitore  
Incæpit temnens vicinæ spicula gentis.  
Hic plures Craci celebres assumpsit ab vrbe  
Doctrinâ morumq; viros grauitate politos.  
Hoc opus esse sui, vigili sub pectore versans  
Scilicet officij, doctas curare Camænas  
Vt tales habeant, teneram sudore iuentam  
Qui multò impigri neque dexteritate minori  
Erudiant, doctas tractentque fideliter artes:  
Moribus informant cultis rude vulgus, & acri  
Hortentur gressu properare ad culmina Pindi:  
Hinc iuga commonstrent Heliconis ad ardua callem  
Ad sacros latices ducant simul Hyppocrenes  
Quos sacra Castalidum, quæ sita que gloria Musis  
Excitat, vt capiti decus immortale virenti  
Elauro sibi ferta parent iuuenilibus ausis

His igitur tantis SOBOLES prognata Dynastis  
Posneadûm celsam, faustis successibus, arcem  
Ascendit faciemq; gerens moresq; paternos.  
Hæc fortuna illi vix primæ limina vitæ  
Ingresso dederat felicia symbola quondam  
Inter Lechiadas summæ prænuncia laudis. | 77  
Namq; velut viridis, nemorum noua gloria, palma

Fertilis irriguo quam profert vberis tellus  
Sol firmat flabrisque fouent clementibus auræ  
Tollit se cælo, & speratæ Prodigæ frugis  
Decliuem pomona rubens cum purpurat annum  
Brachia demissæ fructus cum floribus æquat.  
Non illi Notus imbricator, non nigida brumæ  
Astra, nec igniferi iuba formidata Leonis  
Frondicomitæ capitis detondit honorem:  
Sic quoque Christophorus primæuo in flore iuuentæ  
Processit, Phæbi doctas operatus ad aras.  
Huic tenero semper Phæbeas segnis ad artes  
Mens fuerat studiique capax, omnemque laborum  
Hauerat illuuiem, doctis pallefcere chartis  
Atque oculis placidos toties excludere somnos,  
Productam & summæ noctem coniungere luci,  
Longum nascentes voluendo in sæcula libros,  
Doctrinæ & laudis studium stimulabat avarum:

Auspiciis procede bonis, procede secundis  
PROGENIES, magnis multum exoptata Polonis:  
Terogat altus honos virtutis, plena Camænæ  
Gaudia iam referunt sensus peruenit ad omnes  
Lætitiæ, mentemque ciens renouata voluptas  
Crescit, & exultant trepidis præcordia fibris.  
Taliter Euboicis exundat littus in agris  
Cum tunc Euripus reuocatis concitus vndis:

Auspiciis procede bonis, procede secundis  
(Exigit hoc etenim fatorum immobilis ordo)  
Omnibus Posnam: felicia sydera poscunt,  
Quæ Tibi nascenti cunabula prima dedere,  
Iam testudineus spondet Tibi mitia Cancer

Brachaij



Brachias; felicem multa cum laude senectam  
Promittit placido facilis Tibi Iuppiter ore.  
Et quæ sydereis accensa est bellua flammis  
Consensu superum, Lybici retinendo Leonis  
Nomen, cuncta Tuæ donabit fausta curuli.  
Scorpius, infelix monstrum, felicia spondet  
Omina, naturæ variando semina piscæ.

Illa dies olim veniet quâ facta canemus;  
Vberius nomenque Tuum, quâ Lechica tellus  
Et gelidi Scythici resonarunt litora Ponti;  
Ibit Balthiacas passim Tua fama per undas;  
Per Musam extremis Orbis nosceris in oris.  
Difficile iniectis ignem sopire fauillis  
Intus viua volans prædit scintilla latentem  
Et sensim exortis vastat ramalia flammis.

STEPHANVS de Sirazemieles LASCH  
Cast. Han. Landensis Stud: Schola Opalin.

V O T V M

ADB. V. M.

Pro Illustrissimis Dominis, Fratribus

D. CHRISTOPHORO  
Palatino Posnanienfi, & Dño LVCA  
Capitano Pobiedzicensi.

**A**lma parens, rosei liquidum cui verticis aurum,  
Bis-sena inōcuis allambunt sidera flammis,  
Sub pedibus cui Luna nothos vaga degerit ignes  
Et croceo Titan velamine corpus inaurat  
Sic Te diæ acies, Populus felicitis Olympi  
Sic homines, qua lucifluo sola terrea fonte

D

Sol

Sol rigat, & fluctu circumsonat Amphitrite  
Reginam Matremque colant: Tibi sacra, Tibi aras  
Instituant, & festa Tuo de nomine dicant.  
Annue supplicibus votis Regina clientum  
Et geminam prolem, veteri de stirpe Toparchas  
Christophorum & Lucam primo qui limine ab æui,  
O rarum seræque decus memorabile famæ?  
Aeternum Tibi se proprios certosque dicarunt  
Optanti serua patriæ, doctisque Camænis.  
Spes patriæ facesse ratas, voti que Clientes  
Damna Diua Tuos hoc nam decet: hoc sibi de Te  
Spondent, & dulci, (sit fas) pietate merentur.  
Ille viden! Magnus generoso & pneumate plenus  
Christophorus quantum ætatem virtutibus antecit?  
Quis calor incensæ mentis? quæ flamma medullis  
Aestuat? Aonijs quoties spatatus in hortis,  
Hic vbi (florete enim docti Respublica Phæbi)  
Candida subiiciunt Lubransæ culmina sedes  
Et laterum sacro stant propugnacula nexu  
Herbosis innixa locis, labentia subter  
De antro Cæruleo propellit flumina, Vartha.  
Post vbi Parthenope monstrat iuga celsa Veseui  
Arnus & Hetruscas vbi terras agmine scindit:  
Atque vbi saxosi vexat ripa aspera Rheni  
Sollicitas vrbes, quas & de montibus æstris  
Turbat Senus aquas campo inferiore vagatus.  
Sic quoque cæligeri felix Iouis armiger ales  
Non patiens oui claudi se cortice, rumpens  
Tecta domus curuis rostris atque vnguibus vncis  
Vertit ad Eoum nutantia lumina Phæbum.  
Quid Tuus, ille Tuus. Tibi enim se dedit ultro  
Magnanimus Lucas, cultor virtutis auaræ,



14  
Natrâ felix, nam quæ præcepta Magistri  
Tradiderunt tenero, quàm verus finis honesti,  
Impressa hæc retinet diuinæ muneia lucis  
Corde suo, O quæ se præsentī ostendit in ævo  
Canities animi, & morum properata senectus!  
Vt generosus equus gemmis insignis & auro  
Procedens & frena ferox spumantia mandens  
Calce solum quatit, atque hinnitu prælia crebrò  
Exigit: impatiens freni impatiensque quietis.  
Illius haud aliter virtus animusque virilis  
Poscit in exhaustos toties perferre labores.  
Pondere nec premitur: crescit crescente labore.  
Ergo virgo parens placatum aduertito Numen  
Auxilium fer deinde volens hæc quæ omnia firma  
Et placidè in pulchram da maturefcere frugem.

*Ioannes & Stanislaus à Rozdrażow Rozdrażewski  
Frēs Germani Stud. Scholæ Opalin.*

Incipe, felices gressus, in sidere fausto  
Bniniadûm soboles: munera digna cape.  
Fida comes Virtus, Patrio Te in limine ponit  
Vt sic præcedas, primus in arte Deæ.  
Sis felix igitur: velis procede secundis,  
Ne frangant animum tristia secla Tuum.

*MARTINVS HELMANN.  
Stud. Scholæ Opalin.*

Cæli & supremi Numinis auspicio  
PROGREdere MAGNORVM HERO-  
VM LAVDATA PROLES.

Hic

*Honoris Tui sancto omine auspicio exordia*

Vbi

*Maiores Tui praeclara perpetua crexerunt gloria monumenta.*

Vbi

*Flores Veterum virtusq; Virum Parens Tuus,*

*Ecclesiam, Rempublicam, Collegium Lubranscianum*

*pia, fortiter, liberaliter,*

*lenani, defendit, recreauit.*

PROGREdere ET IMITARE  
PETRORVM prudentiam, ANDREARVM  
munificentiam, NICOLAORVM for-  
titudinem.

*Nascitur posteritas*

Quæ gloriam Tibi subiectam, conspici-  
ens admirabunda gloriabitur

CHRISTOPHORVM DE  
BNIN OPALINSKI

*Et posteris spem summa gloria praeuissæ*

*Et Maiores longè post suos posteros reliquissæ.*

VIVE & CRESCE


PLVS VLTRA.

IOANNES LAZNICKI

*Stud. Scholæ Opalin.*



Biblioteka Jagiellońska



stdr0026719



